

worden sin/als dan gar clerlich geof-
fenbart werden mag. dem der ditz ge-
bet flüssiglich vben vñ brüchē ist. **Z**u
dem andern mal von zimlichkeit wegē
der bittungē die dan in disem gebett
begriffen sin/die da in sibē bittungen
mogent geteilt werdē. **D**ie erst ist für
die sündē dy aller erst fürsetzend. vō
den sünden zū lassen/von welcher bit-
tung in dem ersten teil dises gebets ge-
meldet wirt. **D**ie andern zwū bittung
sin für die an fahenen menschen. nach
dem vnd inen zimpt büßwirdikeit vff
zū nemē/das sy thün mogē in zwey-
erley gestalt. als dy sünd warlich zū
büßen. vnd starck wider sy zū stryten
von welchen in den andern vnd drit-
ten teyl gesagt wirt. **E**s sind vch zwū
bittungen für dy zünemendē mensch-
en. nach dem vñ inen zimpt in verdie-